



ՀԽՍՀ ՄԻՆԻՍՏՐՆԵՐԻ ԽՈՐՀՐԴԻ ՆԱԽԱԳԱՀ Վ. Ս. ՄԱՐԳԱՐՅԱՆՅԸ ՄԱՅՐ ԱԹՈՌՈՒՄ

1989 թվականի փետրվարի 27-ին Հայկական ԽՍՀ Մինիստրների խորհրդի նախագահ Վ. Ս. Մարգարյանը այցելեց Մայր Աթոռ Ս. Էջմիածին և հանդիպում ունեցավ Ամենայն Հայոց Վեհափառ Հայրապետի հետ:

Նորին Սրբությունը մեծարգո հյուրին պատմեց ԱՄՆ կատարած ուղևորության արդյունքների, Հյուսիսային և Հարավային Ամերիկաների բոլոր հայ համայնքների՝ քաղաքական, բարեգործական և մշակութային կազմակերպությունների ներկայացուցիչների հետ հանդիպումների մասին: Վեհափառի առաքելության հիմնական նպատակն էր միավորել երկու Ամերիկաների բոլոր հայկական կազմակերպությունների ջանքերը՝ օժանդակելու համար դեկտեմբերի 7-ի երկրաշարժից ավերված քաղաքների ու գյուղերի վերականգնմանը: Նորին Սրբությունը գոհունակություն հայտնեց ամերիկահայ գաղութի կատարած մեծածավալ աշխատանքի համար և հույս արտահայտեց, որ աշխատանքը նույն եռանդով կշարունակվի:

Հանդիպման ընթացքում քննարկվեցին ամերիկահայության օգնության իրականացման գործնական ուղիները:

Հայկական ԽՍՀ Մինիստրների խորհրդի նախագահ Վ. Ս. Մարգարյանը շնորհակալություն հայտնեց Վեհափառ Հայրապետին իր հայրենասիրական մեծ աշխատանքի համար:

Հանդիպմանը մասնակցում էին ՀԽՍՀ Մինիստրների խորհրդին առընթեր Հայ Եկեղեցու գործերի խորհրդի նախագահ պրն. պրն. Ս. Հ. Վարդանյանը, տեղակալ Ռ. Զարգարյանը և Մայր Աթոռի դիվանապետ Ներսես արքեպս. Պողոսյանը:

ԹՂԹԱԿԻՑ

